



Von dem Teütschen land

Drey

Die Statt

Basel

Contraheret auff das aller fleißigst nach aller ihrer gelegenheit zu beiden seiten des Rheins. Bey diser statt kret sich der Rhein gegen mittnacht auff Straßburg zu/ der von Costenz bis ghen Basel stracks gegen vndergang der Sonnen seinen lauff volführt.

Als der aller Durchleuchtigst/ Großmechtigst Keyser Ferdināus / nach vñsgäg des Reichtags / der im 62. jar zu Franckfort gehalten ward / von dānen durch etliche des Reichs Stett vnd Flecken / das landt herauff reysen / kame sein Key. May. auch in disē statt Basel / die ward da selbst gāz zierlich empfangē / vñ in jrem abreyten widerum beleitet. Es ward auch sein Key. May. mit einē sylbern vergülten stauff / darzu tausent Rheinischer Goldgülden gelegt / auch mit fünf fuder Wyn / des 40. weitberümpften jar gewechs / vnd mit hundert setz Haber / auch mit einer namhaften zal allerley schöner grosser vnd kleiner Mundschen / vnd etlich in eyl in Varnspurger herrschafft / gefangne grosse Hirzen / so sein Key. May. alles mit gnedigsten bedanckē zu höchstem gefallen auffnam / vñ dārenigst verehret. Vnd hieneben ließ auch ein Ersamer Rath diser Key. May. fürnembssten mitreytenden Rath / mit Weyn vnd Haber verehen / vnd alle Hartschier frey von jren herbergen lösen / vnd die Trabanten vnd Hoffdiener / zimlicher gestalten begaben.

22 Beyde